

# Danmarkimi efterskolimiinnermut tapiissuteqartarneq pillugu Namminersorlutik Oqartussat nalunaarutaat

Efterskolit pillugit Inatsisartut inatsisaanni nr. 13-imi, 5. december 2008-meersumi § 20, imm. 2 naapertorlugu makku aalajangersarneqarput:

## *Tapiissutisinissamut piumasaqaatit*

**§ 1.** Danmarkimi efterskolimiinnermut tapiissutit Naalakkersuisunit aningaasanut inatsimmi aningaasaliissutigineqartut iluannit aningaasaliissutigineqartarput.

*Imm. 2. Tapiiffiqeqarnissamut piumasaqaatit makku naammassineqarsimassapput*  
1) ilinniartoq aamma ilinniartumut angajoqqaatut oqartussaatitaasut efterskolimiinnerup aallartinnerani Kalaallit Nunaanni najugaqvavissuussapput efterskolimiinnerullu aallartinna sioqqullugu sivikinnerpaamik ukiumi ataatsimi Kalaallit Nunaanni najugaqvavissuusimassallutik. Kalaallit Nunaata avataani najugaqarnertut naatsorsuutigineqanngillat, taamaallaat ilinniarnissaq isumaginninnerluunniit pissutigalugit Kalaallillu Nunaanni oqartussat peqataaffigisaannik najugaqarnerit,

2) efterskolini ilinniartut ukiuni arfineq-pingasuni atuarsimassapput imaluunniit 14-inik ukioqalereersimassallutik, 18-inillu ukioqalereersimassanatik,

3) ilinniartup efterskoli atualerfissa Danmarkimi ilinniartitaanermut ministerimit akuerisaassaaq,

4) ilinniartoq efterskolimiinnermini angajoqqaatut oqartussaatitaasut toqqagaanik Danmarkimi ilaqtariinnut atassuteqassaaq, tak. § 2,

5) ilinniartup efterskolimiinnermini pissarsiarisassaatut naatsorsuutigisat pillugit atuarfimmit oqaaseqaateqartoqareersimassaaq, tak. § 3 aamma

6) tapiiffiqeqarnissamut qinnuteqaat piffissaq eqqorlugu tunniunneqarsimassaaq, tak. § 9.

*Imm. 3. Oqaatsinik Pikkorissarfip immikkut ittunik pissutissaqartillugu imm. 2, nr. 1, 2, aamma 6 saneqqussinnaavai.*

*Imm. 4. Efterskolimiinneq maanaannaq taamaatinneqarpat, imaluunniit ilinniartoq efterskolimiilernissap aallartinnerani takkutinngitsoorpat, tapiissuteqartarneq efterskolip taamaalsoqarneratigut maleruagassatut aalajangersagai naapertorlugin unitsinnejqassaaq.*

*Imm. 5. Ilinniartitaanermut Naalakkersuisoqarfik tapiissutit utertinneqarnissaannik piumasaqaateqarsinnaavoq tapiissutit siunertanut akuersissutigineqartunit allaanerusunut atorneqarsimappata.*

**§ 2.** Angajoqqaatut oqartussaatitaasut ilaqtariinnik atassuteqarfissanik toqqaasimanerat angajoqqaatut oqartussaatitaasut aamma ilaqtariinnik atassuteqarfingeqartussanit atsiorneqartumik

nalunaaruteqarnikkut uppersarsarneqarsimassaaq. Ilinniartitaanermut Naalakkersuisoqarfimmit tamatumunngat atugassanngorlugu nalunaaruteqarnissamut immersugassiaq atorneqassaaq.

**§ 3.** Tapiissutinik qinnuteqaatit nalilernissaannut atugassatut atuarfiup qinnuteqaammut ilangutissavai, ilinniartup Danmarkimi efterskolimiinnerani pissarsiarisassaanut naatsorsuutigisat pilligit oqaaseqaat. Oqaaseqaammut ilaassaaq, qinnuteqartup ilinniakkamik aallartitsinissaminut periarfissaminik pitsanngorsaanissaata qanoq ilimanartigineranik isummerneq.

*Imm. 2. Ilinniartitaanermut Naalakkersuisoqarfip immersugassiaa atorlugu oqaaseqaatiliortoqassaaq.*

**§ 4.** Oqaatsinik Pikkorissarfiup qinnuteqaatinik tamarmiusunik ataatsimut naliliineq tunngavigalugu aalajangissavaa qinnuteqaatit sorliit akuerineqassanersut. Naliliinermi pingaartinneqassapput qinnuteqartup Danmarkimi efterskolerumanerminut tunngavilersuutai aamma ilinniartup efterskolimiinnermini pissarsiariumagaatut ilimagisaasut pilligit atuarfiup oqaaseqaataa, tak. § 3. Toqqaaniarnermi aammattaaq tunngavigineqarsinnaavoq tapiissutinut aningasaliissutit tamarmiusut nunap immikkoortuinut siammaallugit agguannissaat.

#### *Atuarfissamik misissuiartorluni angalaneq*

**§ 5.** Oqaatsinik Pikkorissarfiup Danmarkimi efterskolimi ilinnialernissaq ukumik ataatsimik sioqqullugu ilinniartumut timikkut tarnikkulluunniit innarluutilimmut, taassumalu atassuteqarfigisartagaanut ilaquaasaluunniit ilaannut ataatsimut, ilinniartup ajornartorsiutigisaanut immikkut ittunut nalequnnerpaamik atuarfissamik misissuiartornermut angalaneq akuersissutigisinnaavaa.

*Imm. 2. Misissuiartorluni angalanermut ilaassapput ilaqtariinnut attaveqaataasinnaasunut pulaarnerit, ilinniartup efterskolerneranisuleqatigiinnissamut ataatsimoorluni ilimagisaasut qulaajarnissaat siunertaralugu.*

*Imm. 3. Misissuiartorluni angalanermut tapiissutit atorneqartarpot Danmarkimut Danmarkiminngaanniillu angallanneqarnermut, kiisalu tikeraernerri aqqtissat akikinnerpaat atorlugit angallassinernut, taamaattoq ilinniartumut timikkut tarnikkulluunniit innarluutilimmut ataatsimut taassumalu angalaqataanut tak. imm. 1, annerpaamik kr. 30.000.*

#### *Tapiissutit annertussusii il.il.*

**§ 6.** Efterskolimiinnermut atasumik aningasartuutinut isertitat apeqqutaatinnagat makkununngatapiissuteqartoqarsinnaavoq

- 1) ilinniarerup aallartilerneranut ilinniarunnaarnermullu atasumik Kalaallit Nunaata Danmarkillu akornanni siumut utimullu ilinniartup angalaneranut,
- 2) ilinniartup angalanerminut atasumik unnuisariaqarneranut,
- 3) ilinniartup angalaneranipisariaqartitsineq naapertorlugu nerisaqarneranut, aamma
- 4) qanigisat napparsimarunerannut qanigisanilluunniit toqusoqarneranut atasumik Kalaallit Nunaannut siumut utimullu ilinniartup angalaneranut.

*Imm. 2. Qanigisatut, tak. imm. 1, nr. 4, paasineqassapput qatanngutit, aapparisaq, qitornat, angajoqqaat aamma aanaa/aataakkut. Immikkut ittumik pisoqartillugu Oqaatsinik Pikkorissarfik immikkut akuersissuteqarsinnaavoq.*

*Imm. 3. Kalaallit Danmarkimi efterskolertut tamarmik ilinniarnissamik ilitsersornerinut aamma ilinniartut tapiissutisinissamik akuerineqartut Danmarkimullu angalanissaminnut Oqaatsinik Pikkorissarfimmit akiliunneqartut apuunnerminni isumagineqarnissaannut aningasartuutit Ilinniartitaanermut*

Naalakkersuisoqarfíup akilissavai.

*Imm. 4. Ilanniartut, efterskolip ammanerata avataani ilaqtariittut attaveqaataasartussatut nalunaarutigineqarsimasunit allanilluunniit angajoqqaatut oqartussaasut pisinnaatitaannit isumagineeqanngitsut, inissikkallarnissaannut aningaasartuutit ilanniartitaanermut Naalakkersuisoqarfíup akilerallarsinnaavai. Aningaasartuutit tamatuma kingorna angajoqqaatut oqartussaasunut akiligassanngortinneqassapput.*

**§ 7. Efterskolimiinnermut angajoqqaat akiligassaannut annikilliliinissamik tapiisoqartarpooq.**

*Imm. 2. Tapiissutit annertussusissaat Inatsisartut aningaasanut inatsisaanni ukiut tamaasa aalajangerneqartarpooq.*

*Imm. 3. Angajoqqaat timikkut tarnikkulluunniit innarluutilimmik efterskolimi ilinniartuutillit akiliutissaat aalajangerneqassaaq, aningaasanut inatsimmi tapiissutissatut qaffasinnerpaatut taaneqartoq aallaavigalugu.*

*Imm. 4. Angajoqqaat, arlalinnik marlulissanilluunniit ataatsikkut imaluunniit ukiuni atuarfiusuni maliinnartuni efterskolertuutillit, ilinniartup efterskolimiittup appaanut 50 %-imik annertusisamik tapiissutisisinnaapput.*

*Imm. 5. Tapiissutit efterskolimut atuarfiusussamut tunniunneqassapput.*

#### *Qinnuteqaateqarnermi periaatsit*

**§ 8. Angajoqqaatut oqartussaatitaasut namminneerlutik ilinniartup efterskolernissaq qinnutigissavaat.**

*Imm. 2. Tapiiffigineqarnissamik qinnuteqarnermi qinnuteqarfissiaq ilinniartitaarnermut Naalakkersuisoqarfimmit suliarineqarsimasoq atorneqassaaq. Qinnuteqaatip ilaqtigut imarissavaa ilinniartup Danmarkimi efterskolernissaanut tunngavilersuut.*

*Imm. 3. Qinnuteqarfissiaq kommunimi ilinniartup atuarfigisaani atuartitaanermut ingerlatsivimmit tunniunneqassaaq.*

*Imm. 4. Qinnuteqartup tapiiffigineqarnissamik qinnuteqaat atuartitaanermut ingerlatsivimmut nassiuutissavaa, tassunga ilanngullugit ilinniartup ilinniartunngortussatut akuerisaaneranut efterskolimit uppernarsaat, kiisalu ilaqtariit atassuteqarfiusussat nalunaarutaat atsiugaq, tak. § 2.*

*Imm. 5. Atuartitaanermut ingerlatsiviup tapiiffigineqarnissamik qinnuteqaat, ilanngussat imm. 4-mi taaneqartut, atuarfiup ilinniartoq pillugu oqaaseqaataa, tak. § 3, aamma misilitsissimanermut uppernarsaatit imaluunniit karakterit kingulliit uppernarsaataasa assilineri Oqaatsinik Pikkorissarfimmut nassiuutissavai.*

*Imm. 6. Atuartitaanermut ingerlatsiviup atuarfiup ilinniartoq pillugu oqaaseqaataata assilinera angajoqqaatut oqartussaatitaasunut nassiuutissavaa.*

**§ 9. Qinnuteqaat efterskolimiinnissap ukioq aallartiffissa sioqqullugu kingusinnerpaamik 1. december atuartitaanermut ingerlatsivimmit tiguneqareersimassaaq.**

*Imm. 2. Qinnuteqaat ukiumi efterskolimiinnissap aallartiffissaani kingusinnerpaamik januarip 15-ianí Oqaatsinik Pikkorissarfimmit tiguneqareersimassaaq.*

**§ 10. Oqaatsinik Pikkorissarfíup tapiissutit akuersissutigineqarsimanersut ukiumi efterskolimiinnissap aallartiffissaani kingusinnerpaamik martsip 15-ianí qinnuteqartunut nalunaarutigissavai.**

*Imm. 2. Oqaatsinik Pikkorissarfíup tapiissutit tunniunneqartut pillugit efterskolimut nalunaaruteqassaaq, § 3-milu taaneqartoq oqaaseqaat nassiuutissallugu.*

*Imm. 3. Oqaatsinik Pikkorissarfik atuartitaanermut ingerlatsivimmut qinnuteqaatit ingerlatsiviup nassiuissaasa aalajangiiffigineri pillugit nalunaaruteqassaaq.*

**§ 11.** Ilinniartup angalanissaata piareersarnissaatuartitaanermut ingerlatsiviup isumagissavaa. Oqaatsinik Pikkorissarfik ilinniartut angalanissaannik aaqqissuisusimappat najukkami atuarfimmik ingerlatsivimmut bilsit kingusinnerpaamik majip 15-iani nassiuinneqassapput. Oqaatsinik Pikkorissarfik ilinniartut taakku Danmarkimut apuunnerminni isumagineqarnissaannik ataqtigiissaarisuussaaq.

*Efterskolimiinnermik maanaannaq taamaatitsineq*

**§ 12.** Efterskolimi ilinniartup Danmarkimi efterskolernini maanaannaq unitsikkumalissappagu, angerlarnissaanut aningaasaliisoqartinnagu Kalaallit Illuata ilinniartumik oqaloqateqarnissaq isumagissavaa.

*Imm. 2. Oqaloqatigiinneq pissaaq ilinniartup efterskoliani, angerlarnissamik kissaateqarnerup nalunaarutigineqarnerata kinguninngua. Oqaloqatigiinnermi peqataassapput Kalaallit Illuanni sulisoq ataaseq, efterskolimi sulisoq ataaseq, ilinniartoq, ilinniartorlu 18-it inorlugit ukioqarpal angajoqqaavi imaluunniit ilaqtariit atassuteqarfigisai.*

*Naammagittaalliorssinnaaneq*

**§ 13.** Tapiissutit pillugit aalajangiinernut naammagittaalliuutit Ilinniartitaanermut Naalakkersuisoqarfimmut suliakkiissutigineqarsinnaapput. Naammagittaalliuutit aalajangiinerup kingorna kingusinnerpaamik sapaatip-akunnerisa sisamat qaangiunneranni Ilinniartitaanermut Naalakkersuisoqarfimmit tiguneqareersimassapput.

*Imm. 2. Ilinniartut pillugit atuarfiit oqaaseqaataat, tak. § 3, pillugit naammagittaalliuutit Ilinniartitaanermut Naalakkersuisoqarfimmut suliakkiissutigineqarsinnaanngillat.*

*Atulerfissaa atorunnaarsitsinerlu pillugit aalajangersakkat.*

**§ 14.** Nalunaarut 1. september 2009-mi atuutilissaaq, ukumiillu atuarfiusumit 2009/2010-miit sunniuteqalissalluni.

*Imm. 2. Tamatuma peqatigisaanik Danmarkimi efterskolimiinermut tapissuteqartarneq pillugu Namminersornerullutik Oqartussat nalunaarutaat nr. 26, 15. januar 2004-meersoq atorunnaarsinnejarpooq.*

*Namminersorlutik Oqartussat, ulloq 3. september 2009.*

Mimi Karlsen

/

Lise Lennert Olsen

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqtaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut